

嘉筆禾微獻錄

嘉禾徵獻錄卷三十二

按察司

郡人盛楓丹山軒

男文焯校訂

丁 豫

麒

麟

妻蔣妙安

劉昌

薛宗永

族孫果

煥

妻沈

孟

高祖勝曾祖圭祖瑜
族人彥卿 師魯紹魯
孟弟厚厚弟

楊

述

青

姚

俊

父璣

戴

祐

高祖遷仲
族人用

父宗

經

灝

一

元

晉

梅

江

女適顧

陸廣

遠

姜諒

學癭

林桂

子雨

李孟璿

祖衍父彥城弟什璿璿玄孫朝縉

季衡

子景孟景孟子旁淳淳子世楷淳玄孫自明

儒烈

弟儒然

毓新

曾祖星祖效顏父正華子楨先

王大猷

父勇

錢于隣

湯彬

子承寵承憲

紹祖

子茂先

蔡

子騏

張

橋

父紀諸孫坦

鍾繼元

父德

趙

岩

父聰

金汝礪

父錫子台拱拱子式玉

汝諧

和父德普

徐潘

丁豫字叔寬海鹽人洪武初以儒術薦召對授江西
僉事兩浙名賢錄高祖召見問天下治否對曰盜賊已息今日之治願以安民為本上悅二子
麒麟

麒麟字彥禎少以詩文名貢太學洪武庚申命往荆
楚訪求賢良事竣授濟南知府歸省卒於家麒麟雖奉
使以諸生行及拜命出守繼以陳情蓋未嘗登仕路
也

麟字彥祥以貢入成均

施閏章矩齋雜記舊制學校生員廩膳有額增廣無

額故曰增廣其亦有額也自宣德四年始至景泰元年照舊無額成化三年又定額京師語日和尚普度秀才拘數禮部姚夔顛倒錯

誤不得已附學之名立焉

中洪武甲子舉人乙丑

進士授工科給事中調江西道御史時四川道御史

魏卓提問太倉指揮孫茂不避勛舊意在排陷都御

史麟坐扶同戴罪卒以積累見法妻將名妙安麟卒

時年二十餘苦志六十年年九十餘而卒○邑與麟

同貢者劉昌為泉州府學訓導

薛宗永嘉興人今土斷為嘉善洪武中舉孝廉授御

史以失朝黜尋復官卒山東僉事母老妻沈年尚少
紡績以供朝夕又拮据持宗永喪歸姑歿鬻衣營葬
有司聞於朝賜旌沈卒合葬嘉善東門外王巷巷北
知縣于業立碑表墓宗永族孫杲嘉靖壬子應天舉
人煥是年同中式

孟字惟亞高祖勝精形家言卜宅伍子塘曾祖圭
以賈饒祖瑜出粟賑飢受旌孟嘉靖甲午順天中式
乙未成進士授武庫主事歷車駕郎中出知郴州改
濮州以賄聞大計知府王誥請黜罷以謝百姓上官

不能奪削籍歸弟厚字惟德嘉靖癸卯順天舉人改名夢李知高淳遷南後府經歷厚弟一 字惟正丹徒縣丞太倉州判官孟族人彥卿萬厯丙子中貴州鄉試彥卿子師魯紹魯萬厯庚子同中貴州鄉試

楊述字宗道嘉興人今土斷為桐鄉永樂癸卯鄉試第一乞恩宜興訓導士子鮮知經學乃與之講解積歲成化陞監利教諭正統甲子充四川鄉試主考蜀人有以重賄進者述不納既入試院得元卷於減場中文止五篇述曰此子辭理明贍筆力高古可冠多

士矣榜發則長寧周洪謨也明年洪謨登進士廷對
第二人丁卯復充福建同考是時許彬為主考榜首
莆田陳俊亦述所薦士也明年俊亦登第闈中發策
問潮汐盈縮之由監臨官議之曰此題宜試浙士彼
謂錢塘有潮故也述曰潮生於海天風海濤考亭所
書何以不在浙而在閩予議者無以應轉遼府長史
力勸世子勤學遼藩書公正二字賜之及病賜藥物
親臨其第撫慰甚至卒於官著蘭谷集二卷子青

青字士昂少有才思警敏過人景泰庚子舉於鄉

辛未入試尚書以織皮毘篋命題青非素搗同郡張
寧號舍相比叩之寧曰僕曾禱於城隍神夢登故鄉
海塘前有大山一老人曰此崑崙山也寤後取此題
繹之今驗矣遂為開陳意義青得中式名在第七甲
戊寧登第名次如之他日官位亦畧同青選庶吉士
授禮科給事中丁外艱服闋掌南吏禮二科事改北
刑科出為河南僉事卒於官年四十

姚俊字用章秀水人景泰丙子舉人天順甲申進士
授刑部貴州司主事遷本司員外署郎中以薦為廣

東僉事時猛寇不靖朝遣左副都御史韓雍鎮兩廣
委以軍事協平蠻寇方論功而父璣卒於家後奔訃
體素羸哀毀卒

戴祐字元吉嘉興人高祖遜仲太祖時嘗召講大誥
父宗善畫徙京師籍大興縣祐受業於大理丞當塗
鍾城都御史韓雍見而異之送充順天府學生員中
成化乙酉舉人丙戌進士試南福建道御史授江西
道巡草場京倉復出巡江遷福建僉事分巡漳南漳
多逋稅令督之急乃為亂縛令以去事平祐亦論罷

年七十九卒於家族人用以江西籍乙酉與祐同中式丙戌同登進士授主事累官叅議祐子經

經字孟常號雙湖成化丙午舉人入太學授延平府推官丁父憂起補九江遷知泰安州有尼自京師來銜中宮命謁嶽祠副以侯某侯要經見尼令下拜經不為屈侯慙思有以中之會武廟將幸泰山巡按御史檄令為儲備不應又欲以金塗梁棟亦不應遂劾罷秀水前未有志經始作之著潯陽餘稿雙湖集吳默泉飛鴻亭集有雙湖墓誌載雙湖弟緯組二名而無綸今嘉邑何誌則以經綸俱為祐子而云綸寄

籍河南丙午與經同中鄉試不知何族孫灝
據墓誌雙湖無子以組之子延貴嗣

灝字升之年三十餘尚屈童子試萬曆辛卯學使

蘇濬校郡士畢訪祭酒馮夢禎夢禎薦其才特補諸

生西山日記辛卯蘇君禹督兩浙學試畢謁馮開之

寒士也君禹曰此必為郡守所格核之果然立召戴

二題即具青衿冠服鼓吹送之隸人叩曰貧生何所

歸君禹曰非馮先生幾誤生即送至馮所兩相顧

諸生如逆覩差等人人奇駭凡二十年後元魁上選

皆先生點至丙午灝中式焚餘稿蜀人李二漢誼士

浙自言一日能閱五百卷是年秋即檄上八府行科
考事至丙午七月猶未完場期迫甚監臨以牌督之

卷三

六

猶作喜而詩來上更畫二貓行杭州府發祿以示優
裕及乃合試三府於貢院閱卷則屬之六初三及
縣令第循府案檢名望稍次第之至八月初三三府
案始出於是全省遺才及大考諸生填街塞巷罵言
竟日勢不得罷乃於初四日考遺才初六日發案是
日即與入廉宴初七日收大考初八日發案倍取至
四百名蓋明知事盡以收士心也時諸生有費三金
買一卷者而藩伯已入簾卒不得納於是初八晚監
臨開門點名諸無卷生突擁入門大譟監臨見勢猛
惡輒閉門時正取諸生以門閉不得入亦譟一時譟
呼之聲震巖谷諸文武大吏盡力解諭李為痛哭祈
哀諸無卷生始散是日午晷封門散題日已矣矣
聞而李以參處去李名作舟王辰進士見聞雜紀
今法細太免吾所已六年不殿考矣余所目親督學
如雷古和薛方山阮山峰三先生皆一年一歲考
未幾卒顯善書故家多有其所書顏額味水軒日記

同學已同游馮具區先生之門已又同參紫柏安國
枯淡初學蘇子由書辛亥歲卒年僅五十耳識者至
今以其遽從子一元晉
逝為惜

一元萬曆甲午舉人知太湖縣六年考滿遷刑部
主事邑民詣闕乞留許之又六年將遷邑民又欲請
留一元諭之曰吾老行且乞休不復望改秩矣乃挂
冠歸

晉字康侯能詩及畫居郡城東好聚古玩圖史構
別業築土為高邱植松其上號曰松山生平不見軒
冕或有聞其名而訪之者亦閉戶不納獨屏居處間

有所詣茶茗之外不食人一飯有孤潔之癖因不娶
遂絕松山在吳淞橋北今所謂慧日菴者是其處也
梅江字文淵其先宣城人聖俞之裔也南渡後居嘉
興江年十四為諸生有才名成化改元乙酉舉於鄉
己丑成進士初知廬江縣為政清平人民安樂廬江志有
傳擢南貴州道御史孝廟儲位未定言路囁嚅江首
疏力請上嘉納之賜織金豸服及綵幣出按兩廣戎
政寬恤部伍招撫流移深得軍民之心遷四川僉事
決疑獄數十事蜀人以梅鏡稱之南都察院志有傳江有女

才美擇壻得同邑顧岳之子諸生顧燠字耀卿弘治
戊午經魁壬戌進士選庶吉士改南刑部湖廣司郎
中擢科給事中未幾卒年不及三十江女視含殮
訖不食死

陸廣字德弘嘉興人天順己卯舉人甲申進士會試
例於未歲以會闈火奏改八月舉行而以明年三月
廷試故為甲申授兵部主事累官撫州知府第遠
遠字德毅成化乙酉經魁乙未進士知海州聽斷
明允刑無冤濫一日行部忽旋風三市馬首邏之一

人死樹下擔折貫喉乃土人房勤殺牛商移屍於此
擒訊而服又過大伊鎮有小犢鳴號於前使人隨行
乃盜牛者方殺其母抵以罪於是訟衰盜息

海州志
有傳

以異政聞擢廣東僉事

彭比部集列
檇李名士傳

姜諒字用貞秀水人景泰改元庚午舉人天順甲申
進士授行人司副九載秩滿遷南刑部郎中出知漳
州府初至水旱相仍民多為盜發廩賑之不止乃募
盜以捕盜盜遂絕龍溪漳浦皆傍海地多斥鹵築長
隄捍海而開斥鹵為田凡一百八十六所龍溪之南

陂橫溪故有石隄久壞完之置社倉以備荒始行於
龍溪積穀數千石復下其事於他邑俾皆行之禁佛
齋作義塚立鄉約又惠郡中田賦不均為里胥乾沒
飛射詭寄者多悉為斷理復舊按戶計丁分為三等
遇徭役酌輕重授之民又立宋儒高登陳淳祠以興
起後學郡有老將顧斌累平寇盜有全城功其卒也
貧無以殮厚為經紀葬之諒為政嚴明盜賊屏息豪
強無敢肆以親老乞歸漳民建遺愛祠於澄清橋北
祀之

漳州府志有傳

諒族人學夔

學夔字一臣成化甲午舉人辛丑進士知龍泉縣
入為御史忤劉瑾謫南都察院經歷出為湖廣兵備
僉事致仕歸設義塾講明知行合一之理置義田以
贍族黨里人賢之

林桂字天芳平湖人正德庚午舉人甲戌進士初授
刑部主事尋下御史獄謫平度州同知明史槩刑部
食錢後移為公費以囚糧之贏者給之積弊已久會
錦衣千戶王注與錢寧結好挾寧勢縱恣有替者善
歌出入注家替者之兄與人鬪不勝注為執鬪者榜
掠之死其家訟於刑部寧注懼求救於寧寧諷東廠
秉監署司事據衆證成獄注懼求救於寧寧諷東廠
發盜用囚糧事主事鄭懋德林桂相繼提牢遂收繫

且請治堂官罪於是三法司皆恐造寧謝過改獄詞
死者之家以誣反坐乃寢其事繼德桂謫州同知
轉南刑部山東司員外廣東司郎中世宗初改祠祭
員外陸萊雅坪文稿舊志載祠部郎林桂首建大禮
之議永嘉然其說上之永嘉蒙寵異而桂僅以
僉憲終按明世宗議禮時永嘉僅守部進士桂已為
正郎豈不可上疏而假手永嘉乎縱有之則永嘉驟
貴豈不思報而出之外臺乎出為揚州管馬通判稍
不知作者何據乃有此傳
遷至湖廣僉事歸子雨以貢任溧水教諭遷代府教
授

李孟璿本名均以字行其先河南人建炎南渡家於
海鹽之苞溪祖衍元天歷間官嘉興路總管府同知

重建郡署有碑存焉遷平江路水軍府副都萬戶因
亂棄官歸父彥城里人私謚曰素節先生孟璿永樂
中以經明行修被薦唐子詔本郡採修地志有司屬
之事竣即授本府訓導未幾調汝寧尋卒見兩浙名賢錄孟
璿與同郡李進皆以詩名著南莊集弟仲璣李衡亦
能文靜志居詩話海鹽半邏劉長卿詩所云半邏鶯
所葬滿樹也近市有呂家土人相傳是吳孱陵侯蒙
家明矣按唐季黃巢之亂吳有許昇妻呂榮不辱
於賊為所殺廩府君斂錢葬之嘉興南地名義仲璣
婦壇然則家為榮之家也南莊弟兄實居於是
四世孫朝縉涇縣訓導

季衡本名平以字行詩名與孟璿埒有雪窗集二十卷西溪雜詠百首子景孟字宗浩景泰癸酉舉人甲戌進士初知莆田尋改寧化亦能詩哀集明詩為皇明正音景孟子滂字元博成化丙午舉人知蒼梧縣滂子世樞不仕景孟次子淳淳四世孫自明字克修號少白崇禎中揚州府訓導乙酉城破死於官舍有謫仙居遺稿

儒烈字忠甫號見川世樞子也嘉靖甲午舉人丁未進士知廬陵縣入為營繕主事先是上以尸工二

部動支京邊餉銀數多於前令勘實諸臣皆言工部
侵冒於是巡視科道李用敬狄斯彬奏京營火器弓
矢濫惡儒烈初受事亦奪俸歷本部員外以前事謫
雲南理問歷潮州府通判兵部主事青州惠州兩府
同知陞福建屯田僉事歸著尚書啟蒙一卷見川文
集三卷弟儒傑汶上訓導

毓新字雲岑號喬之曾祖星字文敷儒烈從弟也
嘉靖辛酉中順天鄉試授沛縣訓導陞知績溪縣祖
效顏前府都事遷德府教讀父正華淮安府訓導毓

新崇禎丙子舉人丁丑進士授潮州府推官海寇鹽菜脛余二姐等盤踞惠潮奉兩府檄監閱將領募兵措餉著勦寇十二籌事平相度形勢於閩粵之交築豐順城為一鎮樓櫓煥然盜失其窟歲饑令民得入粟贖罪出大獄數十人旁邑妖火夜生暗中如螢撲之漸盈室中人腸肺輒死牛馬俱殞毓新為文禱之而減壬午充同考官行取未赴南都建授兵科給事中管職方主事召對與喬可聘姚思孝吳适王之晉主守河守淮忤馬士英改巡江挂冠歸南都破毓新

避兵白苧鄉賊至遇害次子楨先抱其屍以死

再發
記鄉

官李毓新暗獻火藥船於
國朝衆選獲斬其父子謬

王大猷字伯甫海鹽人父勇襲海寧衛指揮大猷為人謙退貌如其心嘉靖丁酉舉人不第歸歲饑絕食知縣某聞之遺以金不受丁未登進士授中書遷都水員外廣東僉事改雲南兵備僉事又改廣西罷歸錢于隣字震卿號惺初本吳江人以嘉善籍中嘉靖丙午舉人丙辰進士授邵武知縣入為刑部主事補都水出督荊州關稅厯員外郎郎中終四川一作雲南僉

事性儉朴絕無宦情孤立行意而已

吳江志于隣為錢知從孫知正

德己卯舉人知子用商嘉靖癸卯舉人俱以吳江籍

中式而用商子學弘復以

嘉善籍中隆慶庚午舉人

湯彬字子宜錄作子雅號龍涇海鹽人少孤事後母

屠盡孝十歲為諸生受業鄭曉淹滯三十餘年貢國

學嘉靖乙卯中式順天鄉試丙辰成進士初知廬江

定計畝僉役之法民稱便陞職方主事歷車駕員外

遷河南僉事以討荆隨巨寇桂六等被劾歸

兩浙名賢錄時

卷五

三

白於當路得立功自贖形在河南擒斬荆隨巨寇六
百餘人忌者以微功外省論罪著四書心解書經精
意于承寵以歲貢廷試第一為膠州同知州志稱其
扶植良善方銳然有次承憲太學生
為不滿歲丁憂歸

紹祖字公孟承寵子嗜學長於駢體嘗取梁末及
李唐文可繼蕭選者為續文選下至明徐禎卿輩亦
與焉其意以五代宋元調與選隔惟唐及明其氣足
上下六朝都為三十二卷行世紹祖讀書恐為人事
所溷乃置一舫聚書其中移之水中夜薄暮而歸率
以為常有清遠堂文稿藏於家子茂先亦能文早卒

蔡字芳侯承憲孫崇禎壬午舉人癸未進士南臺
建授山陽知縣為史可法監紀推官入閩拜御史尋
以副使分守興泉戊子三月城陷死事家被籍明史
朱繼祚傳作
嘉善人誤有子曰騏字千里以字行

張橋字衡如號濟川嘉興人父紀襄府長史橋以雲
南右衛籍中嘉靖癸卯順天鄉試己未進士授都水
主事陞營繕員外出為陝西僉事諸孫坦字五瞻以
通海籍中崇禎丙子舉人丁丑進士知高郵州

鍾繼元字仁卿號古愚桐鄉人父德嘉靖中鄉貢任

丹徒訓導繼元嘉靖己酉舉人壬戌進士見聞雜紀

會試余同年祁君鯨北上遇四明同年二陳公謂祁

曰春中主考定是吾鄉表元峯先生論語題定是事

君能致其身須先著意吾鄉鍾錢二公同舟同作同

中榜二陳亦同榜祁竟下第隆慶戊辰二月初余訪

章文授峯禮問題章曰論語難料中庸坐定舜其大

知也與快去做余竟受其益章同榜中式三公開心

猶己賢於人遠矣初授安福知縣歷南刑部廣西

司主事陝西司員外出知吉安府遷廣東僉事調湖

廣清理鹽政屯田秩滿以疾歸抵家卒所著有易竅

易準易考易占易原道德要覽子史雜著屋言選要

京房康節啟蒙陰符經註畫前錄渾象析觀定性衍

義諸書行於世繼元精於理學所至輒與諸生講河
洛之旨後進多資其津筏云

見兩浙名賢錄

趙岩字維石本長洲人少隨父聰賈於崇德家焉中
嘉靖壬子舉人壬戌進士授九江府推官有政績行
取河南道御史敕查直隸山東西河陝錢糧事竣出
為湖廣僉事以前此出按時彈糾多忤左遷武定州
判官量移甌寧知縣入為刑部主事歷員外再補山
東僉事終江西屯田僉事

金汝礪字啓心平湖人父錫疾禱於天乞以身代夜

夢神謂之曰汝父還人遺金當得永年以子故又申
一紀矣後果十二年而父卒汝礪萬厯乙酉舉人戊
戌進士知安福縣遷南都水主事出督龍江關稅還
理屯務江南水潦淮東亢旱條上救荒事宜陞屯田
郎中出知真定府汝礪母極慈礪體母意居官不施
鞭朴以是罷官子台拱諸生台拱子式玉順治辛卯
舉人辛丑進士
汝諧字冲德號啟宸汝礪弟萬厯癸卯舉人甲辰
進士知婺源縣己酉充應天同考入覲留為南廣東
道御史改北山東道與過庭訓彭宗孟同論東林一

時目為浙黨明史稿夏嘉遇傳浙則御史劉廷元為之魁其黨給事中商周祚御史過庭訓金汝諧彭宗孟等相與倡和務以攻東林排異己為事終湖廣僉事

和字燮之號繩陽父德魯與汝礪為同父兄弟以貢為建寧通判再補汝寧和崇禎癸酉舉人庚辰進士知溧陽邑境連歲荒旱道殣相望者糜粥以活之仍設法完逋兩無所累漕兌有遼米練米襄米之名和倡為合兌法民甚便之調山陽哭送者數千人祠於靈雨亭之前溧陽志有傳至山陽政如在溧往例修河費解京口遇河決估價詳丈曠日持久和請添設山

青同知專司其事隨決隨報給發修築詔允行之一
年陞刑部雲南司主事請急歸乙酉起補刑部四川
司主事南都破不復出無子自營生壙植花果於旁
徐潘字兼之嘉興人中天啟丁卯順天舉人以教諭
遷知萍鄉邑有大僚倚藩府勢甚張其子攘一嫠婦
田上官曲為之茫潘竟斷歸於嫠守駭曰子獨不為
功名計乎潘曰功名止一身豈若心術留子孫也峒
蠻掠近境潘單騎往諭以大義蠻抒誠款服巡按御
史徐養心薦陞六安知州獻賊之亂民無寧居力加

撫字擢分巡安廬兵備僉事以亂歸隱

嘉禾徵獻錄卷三十三

鹽運司

郡人盛楓丹山輯

男支焯校訂

倪

政

子璠璠子信孫元夫少孫鍾亨

顯

顧

正

弟直賢賢子蘭

棠

父善

槃

繼妻祝

霑

母莊族人民品乃猷猷子九章九經

所有

從兄可耕可漁女適陸

曹

禾

徵庸

光

父校弟緯從兄一麟孫繼祖經祖顯溪顯泗

姚繼舜

李芳

祖綱父湘湘兄源弟沛輝東玄表奇明樂明藝

原中

子士嵩明瑞

應徵

士標

妻沈

子寅生

衷純

子光垣妻陸

吳

淞

子一貫

沈

藻

父仁 子弘遠 妻陸 弘遠 弘遠 弘遠

倪政字拱德海鹽人正統戊午舉人授興化府訓導
諸生黃譽有才名政嚴課之卒冠閩榜遷沙河教諭
丁憂補松溪告歸子顯璠璠字廷美成化甲午舉人
蕪湖知縣子佶新興州吏目孫元夫靈石縣丞玄孫
鍾亨通江縣丞明詩絲載高穀送倪廷用致政歸嘉興詩云青雲遺宦轍白首賦歸田舊
著宮袍卸新裁野服便草堂留月色花徑隔塵緣陶
令門前柳春來好繫船當是為璠作廷美或一字廷
耳用

顯字廷瞻景泰癸酉舉人天順丁丑進士初授都
水主事遷武庫員外管理山東錢法成化戊子擢守
懷慶懷慶多逋賦而境內盜賊滋蔓顯莅任賦悉完
盜亦屏息藩府諸人皆為斂跡在事九年中蜚語逮
下西廠獄窮訊無驗復官上聞其治績下詔褒美給
告身時非有恩例也懷慶府志有傳擢河東陝西鹽運使兩所
名賢錄其遷運使也吏部尚書尹旻語之曰河東重
地知君廉慎老成暫借一行顯留妻侍母獨携一子
之官盡去鹽池卒於官顯孝性純至廬墓時白雀來
宿潞利澤大盈巢

顧正字尚誠號一朴海鹽人陶九成較耕錄顧德玉
國路儒學教授俞觀光學觀光無子嘗語人曰吾昔
病且革趣舟歸潤之進次尹山卒時後至元初元閏
十二月戊子也明日乃至橋李潤之奉其屍斂於家
衰經就位邦人士為潤之來弔者潤之拜之越明年
葬於海鹽近廟氏之先塋歲時祭享惟謹或曰斂於
家禮與曰吾聞師哭諸寢又云生於我乎館死於我
乎殯非家斂之則將師屍委諸草莽生服其訓死而
委諸草莽有疑衰加麻之經帶禮也故曰二子經
於掠美矣曰疑衰加麻之經帶禮也故曰二子經
而出既葬除之心喪戚容終三年夫民生於三師居
其一於父子也何異今吾則加一等行之蓋出於人
心天理之本然若之何其惑也問者歎服俞諱長孺
越之新弘治戊午舉人壬戌進士授兵部主事正德
昌人

改元出督山海關還改刑部四川司進雲南司員外
歷郎中主管京畿讞案廣西巡守非人郡邑騷動正
奉詔至粵按問還奏稱旨擢四川右叅議白水蠻亂
撫定之卒官兩浙名賢錄正之歸省有海寧周邦被誣人命懷千金求解正視其獄辭曰此必脫無煩以貨也却其金同邑馬惟岳所行多不法直指使廉得之檄縣捕至獄惟岳懼啖正隣密懷金求救正峻拒之旦日直指過訪正曰若馬惟岳真巨惡竟伏其辜居官二十年屋圯不能修弟直東平訓導改安東賢諸生賢子蘭威遠衛經歷

蒙字子期正弟善之子也軀幹偉傑為文奇麗善
晚年患瞽蒙相事不離左右兄死撫其孤有恩嘉靖

丁酉舉於鄉年四十六卒著讀史備忘子槃

槃字啟碩中萬厯改元癸酉順天鄉試第二旋卒
槃內行純篤讀遺書未嘗不流涕母性嚴急不當
意必長跪色霽乃起第築早天厚恤其婦以經術孝
友重於時邑人出其父子門下者多高科臚仕而兩
世不得一官槃繼妻祝氏年二十六而寡無子苦節
霑字少雨號橫山正族子幼孤母莊紡績以資其
學登嘉靖辛卯舉人乙未進士初知禹城調繁閩縣
福建通志稱其有清介之操陞南武選主事遷南禮部員外郎郎

中出知撫州府調柳州一年轉福建鹽運使陞廣東
叅政卒於運署正族孫乃猷嘉靖辛酉舉人萬厯中
厯文昌尤溪知縣乃猷子九章曲靖典史九經安岳
主簿正族人民宕字霞觀萬厯癸卯舉人永嘉教諭
厯國子學正刑部司務進屯田員外終都水郎中

所有字謙叔亦正族孫隆慶庚午舉人乞恩休寧
教諭擢知宜黃縣務修實政均解糧民戶之役復置
社倉儲穀以時出納在官積穀八千石有奇兵部尚
書譚綸邑人也已死其子為人所侵憐而護之失司

理意左遷不赴歸一女贅同邑僉事陸夢韓之子堯
俊茂韓家素豪貴堯俊幼孤不自檢家遂破尋卒無
子女苦志撫堯俊弟子為子所有從兄可耕同榜中
式萬厯中為淳安教諭知蒙城縣可漁德清訓導南
雄府教授

曹禾字世嘉號龍田平湖人嘉靖癸卯舉人丁未進
士知鄱陽縣入為工科給事中壬子戶工二部奏京
師糧械用銀實數自二十九年至本年正月止共九
百九十餘萬照舊額餘支二百四十五萬有奇上以

其數過多分遣禾及給事中王國禎御史徐坤陳觀
衡等勘實以聞禾與觀衡會勘冒破為多督工主事
胡朝臣已陞通政司叅議得旨降調遣勘已故黔國
公沐朝輔幼男承襲事還改本科右奏蠲浙直被倭
郡邑田租轉兵科左進工科都給事坐累謫無為州
判官歷常德松江兩府推官終韶州知府孫徵庸

徵庸字遠生別號積雪萬歷辛卯舉人戊戌進士

辛丑廷試坐累謫宜川典史

通志稱其博覽遷延安

府推官

味水軒日記曹與余同舉於鄉妙才高韻以

誤謫

邊方量陞司理假差旋理中氣味疎

蕩終邱入為大理評事改刑部江西司主事恤刑江
壑品也
西厯員外郎郎中出知汾州府著客語冰雪軒稿靜
居詩話汾州詩品超逸誦之
如食哀梨脆棗大是爽人

先字原實號賓湖禾族子父校先祿署丞光嘉靖
己酉舉人庚戌進士授中書選福建道御史巡十大
庫督蘆溝橋稅都御史屠僑錄其能復巡山東鹽課
嚴嵩柄國禾浮沉其間而先抗節不屈謫湖廣都事
厯徽州府推官袁州府同知陞南刑部江西司員外
禮部郎中丁憂起北屯田郎中出知東川府就遷本

省運使致仕家居二十年孫繼祖繹祖諸生繹祖子
穎洙天啟丁卯舉人永豐教諭穎泗崇禎壬午舉人
光弟煒字原誠隆慶丁卯順天舉人萬厯丁丑進士
知寧國縣從兄一麟隆慶丁卯與煒同中式

姚繼舜字虞廷桐鄉人萬厯癸卯應天舉人知萬載
縣不尚嚴酷訊重獄則至城隍祠對神勘詰愚民輕
生往往吞毒草死嚴禁之戊午己未間歲饑疫痢交
作繼舜散賑不足復設粥置醫藥以全活之櫛當失
銀人皆指庫吏繼舜獨不問夜夢一青衣女子伏於

前後獲盜乃彭好也葺學宮置預備倉修康樂橋買

田積租入以為修橋之費嘗書一聯於門曰鄉井有

田宜早種吏庭無事莫頻來邑民久而思之

藏江西通志

天啟初陞南營繕主事歷大理右寺正知高州府

高州府

府志稱其政平訟理講學明倫當令城外四關起造

社學設立社師俸俸置田以供給之遠近士民彬彬

化終山西鹽運使

李芳字叔承其先有十四提舉者元末從江陰來居

梅會里遂為嘉興人祖綱以貲雄里中入粟拜散官

父湘捨宅傍地建常平倉歲饑出穀千石以賑芳嘉

靖壬子順天中式壬戌登進士乙丑廷試初知曲周
縣清勤明恕力行保甲之法屢擒大盜遠近肅然時
江陰多逋賦令坐是去者數人遂調芳治之時遣御
史督白糧積欠人情洶洶芳議以錢布償米御史題
請各郡俱如江陰例課最遷饒州府同知未幾投劾
歸時年未四十芳有花癖蒔牡丹百餘種為譜續六
一之未備工書法優游林下四十餘年而卒湘兄源
弟澍兄弟友愛無間澍子輝巢縣訓導輝子衷玄字
澹然善畫蘭竹有蘆中吟草衷奇字蘊夫有紫薇山

房遺稿衷奇子明繼字石友諸生善古文詩詞著獻
歌集明整字山顏母病割股和藥一飲而愈避兵游
閩唐落建號丙戌與海鹽董雲驥俱中福建鄉試補
古田教諭移疾歸

原中字君時號曙岩芳子萬厯癸酉舉順天鄉試
丙戌成進士己丑廷試知漂陽改大名府教授丁酉
充河南鄉試同考遷國子助教以親老乞歸尋論罷
原中少遇異人得養生術至耄而神氣不衰年九十
三卒子士嵩字君山萬厯癸卯舉人明瑞字泰符天

啟應天副榜

應徵字伯遠芳從子也萬厯癸酉與原中同中式同郡沈思考官刑曹被杖謫戍應徵高其氣節以女妻思考子士龍應徵工詩間刺時事為忌者所劾上特原之避蹟湖州思考解職歸與應徵同游數載凡名勝之地率多兩人題詠萬厯丙午廷議察舉孝廉有司上其名兩浙凡七人而應徵居首復屢試不第與友羅元甫同謁選應徵例得壽州學正念羅貧困請以己職迴授之家宰嘉其讓許焉改臨安教諭遷

南國子博士卒著澄遠堂稿子士標

士標字霞舉入國學授上林苑丞遷寧海州州同
崇禎壬午冷口兵圍州城知州汪逢淵未至官戰守
具皆士標綜理厯三月逢淵始從間道馳入士標已
疾篤猶卧起城上癸未春卒雉堞間城陷士標妻沈
率其妾婢僮僕凡二十三人同日死子寅生在家聞
變徒步往負骸骨還事聞贈尚寶丞著蒼雪齋集

袁純字天虞號元白亦芳從子少與馮夢禎范應
賓賀燦然同有聲庠序歸安茅坤太倉王世貞皆令

其子師事焉晚舉萬厯壬子順天鄉試不第知如臯
縣邑瀕大江沙渚時壅為洲多豪家占業貧民不敢
爭乃誘武弁以戈船橫收禾稼勢甚猖獗衷純聞之
親往陳說利害事得解大盜薛良金倚洲為窟追捕
殲之隄郭外牙橋以絕私販一夕而就如臯志有傳入為
南工部主事權稅無湖崇禎日鈔二年南兵科錢允
卓異兩經紀錄家臣趙南星總憲高攀龍吏科魏大
中等皆預擬乙丑考選之第一定在北道既而推奸
播悔魏廣微特旨調南職方厯郎中出知邵武府
易之置衷純於南都調南職方厯郎中出知邵武府
光澤有杉關稅供有司私費條請充餉以省加派擢

兩淮運使崇禎甲戌以年老致仕衷純為人沉深有
幹畧尚風義其令如臬守邵武凡利於民者皆為興
舉東林諸君子以譙論自持浙人與之相左衷純偕
長興丁元薦同游顧憲成之門浙人嫉元薦并嫉衷
純然卒不以此自悔魏大中之死經紀其喪賀燦然
子幼孤不能存捐資為之求娶著激楚齋集子光垣
少聘海寧舉人陸蓋誼女光垣病瘵欲離婚女不可
卒歸李以處子終其身

吳崧字秀東秀水人嘉靖丙午舉人知靖州會山水

驟漲民溺死無算淞懸賞格拯一人者予十緡又躬
令人置筏以須未渡者州人德之遷九江府同知時
湖口關值大水衝激商船多壞請於上官暫停權稅
商大稱便遷福建運同引年歸恤族賑貧好行其德
子一貫萬厯丙子舉人

沈藻字元明號豐陽海鹽人少有才名學使薛應旂
拔冠諸生使行數武諦視之曰科甲士也惜薄於官
位見聞雜紀同年沈豐陽藻自二十歲至三十九歲
俱館於同邑其姓之家更無別處至登科而後告
辭里中寓公龍訓終邑博士初館潘姓訓其父又訓
其子歷三十年不但課以詩書凡為其身家謀者靡
表三十三
十

不至兩君溫隆慶丁卯舉於鄉戊辰登進士知泰州
厚大畧相同以廉潔聞調河東運副未幾挂冠歸父仁性卞急有
不釋跪而受杖知府龔勉至久不出問其僕言父怒
跪不敢起也勉歎曰吾今乃見真孝子矣家有薄業
悉讓之弟死之日取生平所落齒含之口中曰吾親
遺體也藻已瞽長子弘達舐之復明少子弘鍵生三
日而藻歿遠與妻陸慈育備至弘達腰大十圍善畫
能詩假人財物往往折券不取晚歲詔旌其門藻次
子弘遇字際可萬曆戊子舉人知石門縣丁母憂補

信宜遷知邳州邳當孔道疲於送迎劾歸亦患目
疾瞽五年有異人治之復開廣東通志曾知電白縣

嘉禾徵獻錄卷三十四

苑馬寺

郡人盛楓丹山輯

男支焯校訂

沈科

道原

子閔中

戴鳳翔

祖文審父冠
子元鎔元欽篳窳

長治

子樹齊

從弟長汛

沈科字子進嘉善人尚寶少卿表黃姑子也嘉靖庚子舉人甲辰進士授南行人轉左司副陞營繕主事庚戌邊烽薄都下督辦牛車飛輓遷都水郎中督理張秋河道出知臨江府擢江贛兵備副使平劇盜李文彪等轉苑馬卿左遷河南副使罷歸子道原

道原字太始號淮槎萬厯甲午順天舉人乙未進

士知樂安縣改松江府教授陞國子學正

松江府志作博士有

傳轉營繕主事改職方擢考功員外道原在松江有

青浦令貪墨無狀及司察斥之青民咸快調文選以

病歸長於駢麗啟札遺稿見稱於世子閔中字季彪

柳州知州

戴鳳翔字志曾

一字燕叔

號春雲海鹽人本姓張遠祖十

一翁自汴南渡卜葬澈浦之荆山家焉曾孫梧捨宅

為真君祠梧子倅復捨宅為實相菴即今覺林寺也

俸元末舉鄉試為省元大德丙午授太僕丞俸孫顯
綱洪武中徵授襄陽府學正弟顯維亦被徵授廣東
僉事顯綱孫思韶贅戴倫為壻倫無子仍以思韶孫
世能為子世能無子又以兄世賢子文審為後世能
妻病篤悉取債券舉息者焚之又以珠玉珍異散之
姻黨謂文審曰汝骨法寒薄多財為累棄之所以福
汝也母亡所餘貲產尚厚未幾隣人相鬪文審置酒
和解之庖人與隣家有怨毒隣死其家訟文審於官
文審懦而朴不能辨竟坐辟下獄四十年凡歷朝審

矜疑者數矣罄家財營救卒不得出最後部使恤刑
至郡例驗死囚桎梏加封忽羣烏下噪掣其封去使
者疑有寃悉出舊牘鞠之庖人尚存得毒死狀執之
抵罪而釋文審出獄時皤然一叟子冠冕皆已中壽
鳳翔冠子也嘉靖乙卯舉人己未進士授行人兩使
藩邸穆廟立拜吏科給事中轉戶科右尋轉左累疏
薦重望大臣堪任邊計者張西銘潘季馴等是年六
月望海鹽潮溢壞田廬無算海塘自宣德庚戌巡撫
成鈞奏請修築後漸傾圯鳳翔疏請繕築謂海鹽一

邑實蘇松常杭嘉湖六郡藩籬一遭衝決六郡皆為
斥鹵且備查海塘最險處二千三百丈有奇乞敕督
水憲臣一人駐節海上兼督一二才幹有司分理之
計費不過一二萬金可以集事詔下所司如議行宣
薊失利條上邊務六事又以木冰樹介請廣開言路
皆報聞禮部尚書高儀致仕上言儀典禮大臣乞稍
示恩異詔許加官保馳驛歸巡視京儲倉庫查世廟
時歲需醮祭香蠟諸物中璫冒破巨萬相沿未革力
請嚴禁高拱當國與徐階有隙鳳翔階所得士也因

出知寧國府甫至官以京察左遷郿縣丞陝西通拱志有傳

罷移知金壇改刑部主事歷員外郎郎中恤刑湖廣

遷九江知府論調歸為黃梅舉人翰林待詔

死江陵強戴公恤刑彼地屬以於疑出之戴按九年

如法為江陵所怒論調然考明史緊萬歷三十五年

湖廣巡按史學遷薦隱逸舉人瞿九思萬歷癸

卯科春秋第八本縣知縣張維翰激變小民偕九思

求解不應反誣九思倡亂坐以誅革撫按皆為辨白

江陵持之沉閣閉戶著書者三十年萬歷三十七年

授翰林院待詔按此則九思無罪而江陵似非婦翁

所云屬以矜疑出之之語未實今明史文苑亦載九

思傳再履歷戴公於萬歷己卯遷九江癸未論調

江陵歿於壬午尤與無涉爾時屠隆作訟瞿生書徧

告中外馮夢禎亦白於楚中赴補陸先祖為吏部侍

當事作志者何失考乃爾

郎戲曰鳳翔合得鳳翔府乃授之野獲編戴曾有時
論所薄故屢加窘辱焯按池北偶談六朝以來朝
廷為臣下避家諱至改州郡名者有之考惺邨錄乃
知宋律文有私諱冒榮徒一年之禁亦孝治天下之
意明代以來始刊削耳晉江統言其叔父春為宜春
令與縣同名故事改選之例統以為身名所加亦施於
身與官職同名改選之例統以為身名所加亦施於
臣子凡佐史朝夕必稱厥官倘指實而語則為尊者
諱或詭辭迴避則以私廢公宜與祖父名為比武帝
許之此又不獨迴避先諱三年遷苑馬少卿外計罷
矣戴公知此宜自疏請改三年遷苑馬少卿外計罷
歸里居二十年萬厯甲辰卒年八十四在吏科劾僉
都海瑞人頗譏之是時高新鄭方倚忠介以領舊輔
光懋等河南道御史成守節等相繼糾之海遠聞在
於是咸謂徐族戴首為此疏故戴歸女於徐以成姻

好其列款之切直者三條一日濫受詞訟在皇上洞
悉民奸嚴禁換累瑞則不願赦前事件一廣告許又
無放告日期旋出旋進動盈千紙累涉萬人未嘗按
理以剖是非但徇情以決勝負致使刁徒弗安生業
惟思構小過以成極惡捏虛誕而作實情本屬戶婚
田土裝為人命盜情未告杖律法掃地一日田產分贖
求和越訴不答誣告不杖律法掃地一日田產分贖
在祖宗亦慮案事端定限五年也瑞則不拘遠年交
易違例問斷又不詳審干證隨告隨結真偽不分情
理俱拂或明中不正契而作虛詞或彼此情願而稱
獻致從新墾熟者竟以舊價逼還已業蕩盡者又於
祖產求析一墾熟者竟以舊價逼還已業蕩盡者又於
大聖人作為等語衆目共覩恬無愧畏凡狀辭中一
有欺天藐聖字悉為准行又不諸民俗妄禁償租還
債夫租不完則稅從何出佃戶收租產戶賠稅國家
無此偏枯之令且債不還於今則借不通於後愿憲
者必不肯自貽告貸無門之累然刁頑由比茲惡豈
所以正人心厚風俗哉三條皆確中吳下情弊雖當

日縉紳容有恣橫不法者然概謂其怙勢佔奪不可
也尤伺良齊譚說海剛峯巡撫應天時有投匿名
狀者曰告狀人柳詒告為勢吞血產事極惡伯夷叔
齊兄弟二人倚父派竹君歷代聲勢發掘許由墳塚
被惡來告發惡又賄求嬖臣魯仲連得免今其月日
輒出惡兄柳下惠捉身縛禁欲竹水牢日夜痛加炮
烙極刑逼獻首陽薇田三百餘畝有契無交崇侯虎
見證竊思武王至尊尚被叩馬羞辱何況區區螻蟻
激切上告海公見狀頗悔前事子元鎔元欽元鎔會
松江府志指為陸莊簡先祖筆子元鎔元欽元鎔會
稽訓導元鎔子宏祉天啟辛酉應天副榜廬州府通
判元欽子長治

長治字季修號閨風崇禎己卯舉人癸未進士知
程鄉縣國破歸舊志知程鄉流寇臨城親冒矢石捍

中查履歷甲申歲始授程鄉北都於三月失守應是
南還同榜亦有注明陞遷者而戴公無之俟再考
隱居二十年而卒預知死日長子樹聲哭其父嘔血
三日亦死長治從弟長汎甲申恩貢入閣部史可法
幕叅預軍務乙酉後杜門不出

嘉禾徵獻錄卷三十五

府

郡人盛楓丹山輯

男支陳校尉

金 綱

穎伯
子公綏

富好禮

金志剛

楊

任

子宏五世孫開
始祖廷直千之

姚文

施

鐸

子宏五世孫開
始祖廷直千之

奎

林

茂

子資

父文通

沈

榮

劉侃

施

奇

父俊

趙讓

子萱
片

於珏 從祖德弟禮
子瞻妻張

如麟 父鑒
從子來遠

徐泰 子應陳

陸琳 子必

萬鍾

南翀 父一鸞

陳言 父讓 讓弟讓

陸志孝

鍾庚陽 父天才 子明鶴
孫欽立曾孫潤映

馬興 後妻沈氏
從子淮

施震

咸 女玉成 族人定夫

山 子嵩源孫炯

張徽 子干之

錢同文

所學 子昌懋 昌明
昌明子許廷 梁

陸觀德 曾孫鈴

曹銑 子恭 從子津
子穗 子勳 兩堪 子穗
鑑倫

陳奇謀

徐調元

王維新

馬廷獻

沈振龍

子耀辰 曾孫廷文

馮登瀛

陸懋功

王佐

金綱字子尚嘉興人元至正乙巳與張翼俱以龍門
賦舉鄉試洪武初膺薦入官累遷知蘇州府時百姓
苦官民田則不齊里胥易以為奸綱上疏請量減本
州重額先是張士誠據吳太祖累征不下怒其民為
之守故張氏既滅獨加意三吳稅額綱疏入達上怒

賜死江南通志有傳宣德中知府況鍾又以為請始見聽然
尚有浮額云細少負文望家有詠軒名人多為賦詩
其著述亦頗有存者子穎伯

穎伯字端白少從錢唐俞紫芝游邃於經學工書
法以文學徵辭不赴年六十餘卒穎伯清介雅飭負
才而無浮夸之氣學者宗之子公綬亦能文以鄉貢
知新樂縣

富好禮崇德人洪武初以薦為順慶府同知創街衢
置坊巷戶口田糧悉心經理遷知保寧府不赴歸四

川總志

金志剛字大節海鹽人為鄉老人洪武中重是選推
年高有德者充之天下官吏三載入覲老人與焉時
上方峻法志剛往覲侵曉登廁有鬼自廁中出指其
腹曰好腰金已忽不見甚為憂怖既至京召對上問
曰今天下盜賊平否諸耆老未及對志剛抗聲曰捕
盜已盡唯恐復生上大異之即擢知福州府澈浦志
談諧一日食笋友費顯道譔之曰猫頭笋今
大節矣答曰狗尾粟未顯稻耳一坐皆大笑

楊任字重之嘉興後楊港人今隸嘉善母張初生任

有胡僧過之聞啼聲嘆曰此兒異日必顯惜不免於
刑及長膺薦擢知袁州府黃子澄一見以為國士守
表政多宜民靖難師起引疾解官壬午大定子澄出
徵兵約蘇州知府姚善航海龍京師善被執子澄乃
至任家謀求舊君事泄與子澄俱擒至京磔於市任
子禮益坐死任族誅者九十三人同邑姻家莊毅衍
等百餘家皆謫戍洪熙改元赦還任死時妾沈氏有
娠知縣徐本潛縱之依其兄沈廣閱月而生名曰宏
子孫繁衍五世孫淵有幸存圖藏於家

建文朝野彙編任有田二

百餘畝無人承業正德間知府徐南都建贈任太僕
丞取為名宦楊太守遺愛祠祭田
少卿明史稿附黃子澄傳

姚文字敏學崇德人永樂乙酉舉人乙未進士改庶
吉士出為主客主事營建北京敕差馬湖府採木調
行在戶曹督察天下漕運米粟及內郡所輸糧草宣
德中調主文選事未幾進稽勲郎中正統甲子兵部
侍郎柴車薦知慶遠府以誠信撫徭獞修建山谷書
院及懷遠橋丁母憂補袁州亦修前賢遺蹟橋梁壇
壝百廢具舉將代百姓詣闕請留詔賜三品服俸仍

聽守表卒於官表人助其喪歸葬南津鄉

見兩浙名賢錄

施鐸字文振秀水人始祖廷直宋南渡時為臨安司李子千之卜居嘉興鐸永樂中以貢為大理右評事累遷知彰德府子奎

奎字漢章號竹坡正統丁卯舉人景泰辛未會試乙科任六安州學正天順己卯典山東鄉試時有介鍾吾驛驛丞遺奎金求中式者力却之還署州事遷遼府右長史進對每引東平王相勸勉王甚重之自郡王以下咸待以殊禮荊州故大都姦宄百出本府

軍校素不法奎申嚴號令誅首一郡帖然成化初
坐累降補南安府同知王再疏乞留不允遂之官在
事九年以入覲乞休家居時南安士民乞本郡公移
至浙問奎安否牒中連名數百人稱其持身廉謹莅
政公勤革弊除奸愛民如子乞示回文述其起居以
慰黎庶類函 卒年六十八有竹坡稿十二卷兩浙名賢錄有傳

林茂字茂叔秀水人宣德己酉舉人癸丑進士兵部
郎中南雄知府子資字性初成化辛卯舉人乙未進

士歷宜春江浦知縣

父劉志文通嘉興人鄉貢宣德間知漳州府廉謹有

惠政通見福建志

沈榮字希仁桐鄉人幼隨父以匠役入京正統甲子

中順天鄉試歷主客主事丁外艱服闋補虞衡司左

遷四川都司經歷巡撫汪浩特疏舉之以內艱歸補

福建都司轉歷左軍都督府經歷陞知韶州府

劉侃字克剛嘉善人丰姿俊爽景泰改元庚午中式

本省鄉試知涇州政尚寬簡西北歲事征討涇當要

衝大將提兵必假道於涇侃措置有方供億百出而
民不擾都御史馬文升嘉其績與御史劉廷高交章
論薦擢知延平府地僻民淳侃有餘閒與僚友賓客
游泳賡唱同知某恃才凌轢之侃置勿較未幾同知
歿侃為經紀其喪恤其遺孤一郡稱長者侃素廉約
人與語及財賄輒面赤兩赴官皆罄產以行及謝病
歸囊橐蕭然授徒自給足不入城市號樂間翁工楷
書詩文亦清麗卒年七十

兩浙名賢
錄有傳

施奇字廷偉嘉善人父俊字邦彥永樂丁酉舉人官

順昌教諭奇景泰改元庚午舉人甲戌進士授工部
主事奉使山後諸鎮閱視兵器尋復清匠江西行部
至建德鄉人官縣幕者以白金餽奇曰安所得此若
執汝則責廉矣亟去鄉人慙而退成化初擢知太平
府丁外艱起補萊州府歸不復出楊繼宗為郡守每
造其廬蔬食對談盡日迺去

兩所名賢
錄有傳

趙讓字元遜桐鄉人宋丞相汝愚之後天順壬午舉
人成化乙未進士初知松滋縣愛民下士凡文廟公
廡及祭射禮器皆其所製遷刑部主事歷員外郎郎

中出知南寧府子管學慈佩弘治壬子舉人乞恩廬
江教諭改蕪湖遷國子助教弟芹鄉貢程鄉知縣

於珥字文瑞海鹽人從祖德番禺主簿德弟禮從征
交趾師還赴闕註官卒於京珥成化甲午舉人甲辰
進士初知南皮以才調吳橋外艱服闋改無極莅三
邑皆有聲陞建寧府同知黜政和貪令有屯田久侵
於民軍士多逃凡五奏不得白珥按籍清還軍復歸
伍天旱步禱且誓於城隍神日三日不雨當共鎖已
而雨大澍歲因以稔民咸謂精誠所致府見建寧志正德

初擢知慶遠府土酋例出金以啗守珏以其物充逋賦夷人悅服士不知學立程式課之致仕歸卒於家

兩浙名賢錄有傳

珏子暄弱冠而卒妻張苦節撫其姪侃侃

復死撫侃子成立賜旌

馬輿字良載嘉興所戌籍成化丙午舉人丁未進士授南山西道御史出知漢陽府輿後妻沈氏無子輿卒不食死從子淮嘉靖壬午舉人濱蘄二州知州

如麟字昭父亦輿從子父鑒嘉靖癸卯順天舉人世廟識餘錄台州王都憲鑄卒其子南雄守宏奏求卹典祠郎以贍清謹宦績尤著於南京兆且始終出

卷三十五

永利見巢縣志調穀城遷鄖陽府同知終尋甸知府從子

來遠萬厯庚子本省舉人

施震字亨甫平湖人成化丙午舉人弘治癸丑進士知固始縣入為太僕寺丞出知石阡府猺獠剽殺人震繕甲厲兵招携布信諸蠻遂服平生贍直無餽遺入都觸劉瑾怒罰米三百石罷歸瑾敗進參政階里居二十餘年而卒

徐泰字子元號豐崖海鹽人弘治甲子舉人授桐城教諭落託不得志為悲世賦以自廣正德癸酉主試

江西補蓬州學正陞光澤知縣告歸林居四十年吟
誦不輟著玉池稿玉池談屑春秋鄙見義經皇明風
雅詩談等書泰中年無子其自蓬州遷官也歸里移
居夜夢一客至門冠帶甚偉問之曰我陳世章也世
章為郡人病酒而亡前三年世章降乩自言當生光
澤徐知縣家為男其子乾紀其言於壁至是泰果生
男因名其子曰應陳云見董穀碧泰晚歲患鼻淵作
詰鼻文甚佳兩浙名賢錄有傳卒年九十弟咸

咸字子正號東濱正德丁卯舉人

西園雜記丁卯元夜先母宜人

夢方洲先生袍帶過寒家問予在否入予寢室解袍帶置於牀出曰吾冠帶已付三郎矣明晨以語豐崖兄兄往學宮觀題名先生中正統丁卯鄉試為予喜之及秋果中先生仕至知府成化丙戌解官予亦至知府嘉靖辛未進士性和易與物無忤初知沔陽州丙戌致仕

持大體不事皎察值兵燹後小民朝夕不給咸一意綏輯之沔地宜黍鮮植秔稻乃勸民引渠灌泉仿吳越播種法數年成沃壤遷兵部員外出知襄陽府慕羊叔子杜元凱時時登眺吟詠歲旱恪修雩祀而甘雨應有妖民惑衆者禍叵測以計殲其渠魁餘悉解散分省人物考童太史內方以餘姚孫行華序入覲張宏與咸先後同官均有懿政目為三高

入覲

中察歸湖廣通志有傳晚歲築園郊外名曰餘春疊石為小

東山結小瀛洲十老社會聚諸名流觴詠無間同邑

陳詢繪其圖咸自為之記後倭寇內訌捐其園為官

倉儲糧糗著國朝名臣錄史畧啟蒙四朝聞見錄西

園雜記池北偶談謂其述嘉靖初議大禮極言張桂

相率排之又載慈壽皇太后飾美姬東濱三稿諸書

數十人列左右以惑帝尤為悖誕

卒年八十八兩浙名賢錄有傳傳咸有女曰玉成適

同邑賀岵岵善騎射精音律正德己卯武舉早卒玉

成生子培方四歲苦節撫之荼苦三十年族人定夫

能詩有蛩吟稿

陸琳字文佩號玉洲平湖人正德庚午舉人知清河縣歲凶飢孱相望捐俸設粥全活者衆俗不知紡織乃為紡具募工三人教之令轉相傳習卓異擢廣東道御史疏乞清查南北太常光祿廚役冒濫清湖廣軍政有善歌者屢於楚藩家頗橫琳摘發之丁憂服闋補河南道乙未主計巡按四川及九邊西南夷叛單騎抵賊巢諭降之賜金綺都指揮劉永昌倚武安侯郭勛與蜀藩訐奏三司多右昌琳按實抵昌罪復

論罷中涓姻黨及邊將張麟不法忤權貴出知撫州府尋乞休子山次子必字子深著捫心錄運甓餘鈔

山字子周嘉靖間以太學生授臨清州判官遷知阜平縣邑遭水患力請奏免田租詔為減半又請增入學員數調繁夏津裁往來夫馬減里甲供應崇學校賑孤貧邑民生祀之擢光祿署正歸著太極圖解

一卷見經義考

待弟姪有恩以經學相砥礪立宗祠每歲冬

至合族人致祭以重本始子萬鍾次萬源字天澄鄉

貢亦授光祿署正萬源孫炯

康熙戊午舉人己未進士太谷知縣監察御史

萬鍾字天與慷慨有幹畧為諸生值倭寇郡協守
桐鄉縣有功授泰安州判官調信陽州遷工部營繕
所正

張徽字德卿秀水人正德癸酉舉人辛巳進士授大
理評事有妻搯夫吮垂絕者妾救之夫得不死妻愧
憤自盡有司坐妾死徽曰妾救夫非欲殺妻也妻搯
夫吮妻有罪自伏其辜妾安得坐出之又一少年亂
隣婦以母切責絕不與通婦恚恨死有司抵少年罪
徽曰致死不以姦法安得死亦釋之進寺副慮囚雲

貴釋殊死以下百三十人遷寺正以刑部郎中爭大禮哭文華門廷杖尋出知南雄府子千之湖廣都司斷事從孫南翀

南翀字海玥父一鸞嘉靖間鄉貢知縣南翀萬厯戊子舉人辛丑進士知青陽縣改應天府教授厯漳州府推官南刑部河南司主事遷郎中終興化知府錢同文字大行號懷蘇秀水人嘉靖己酉舉人癸丑進士為人弱不勝衣然矯然獨立有志聖賢之學登賢書年未二十已聘婁人女未娶有議易婚者同文

拒之知祁門縣每聽訟了無聲色藹然數語剖決無

不當入覲囊白金為道里費歸猶餘其半以還庫褒

節孝禁博徒事事詳覈倭寇旁邑偵知同文守禦嚴

不敢犯

祁門志有傳

累遷知萊州府移疾歸瀕行庫有羨

金四百鍰父欲挾為行資佯許之卒申白監司家居

日簞瓢屢空晏如也卒無子論者惜之

見聞雜紀懷蘇錢公為祁

門令至太守清貧如洗又不壽歿後其父恨之將葬

地售之他姓或有傳其毀屍市柩者狀甚慘不知果否厥父少為理刑衙書

習成慘刻余幼曾識之

陳言字獻可號東涯海鹽人父謙以弟讓有心計委

以家政同心奉母共爨五十七年謙號雁洲讓號雁
渚匾其堂曰雙雁言讀書數行俱下有所得輒以蠅
頭小字識於旁常作五經疑多先儒所未發其序易
疑畧曰易非聖人卜筮之書卜筮以聖人之書爾後
世操而得卦即以為卜筮之卦初固未以卦為卜筮
設也孔子於易言焉而廣大動焉而吉凶制器焉而
網罟舟楫之用卜筮焉而神物大衍之策悉舉矣朱
氏之易主卜筮嫌於泥作易疑序書疑曰吾讀今文
何詰曲也讀古文何萎蕸也衡觀於二帝三王之異

代其文又何較若二體也吾滋惑焉故取蔡傳之不
合者竄正之以暢未盡之旨序詩疑一本小序禮疑
多宗陳氏叅以鄭孔諸家春秋則畧義例主經文取
紫陽直書其事自見美惡之說亦並有序言草易疑
前後十餘年春秋疑亦久而始成經義考易疑四卷
存春秋疑未見
又精史學以為諸史繁則易散約則易存編年如司
馬通鑑紀傳如鄭氏通志皆病於繁惟近代所修通
鑑纂要九十二卷簡要有體可為編年總而紀傳一
家未見有作宜合并往牒彙為一編法則宗乎子長

體則各仍異代凡南北二史分合互異新舊二書詳畧殊科三國乖舛晉書怪誕宋元猥冗不綱遼金僭統變正例宜詳於彼代今或可裁事應闡乎大義細或可省與夫藻翰掩真傳載濫濫論贊之黷圖表之繁一切捃其曲要萃為菁華務使豐約中程源流周瞻聯屬成編如出一手與編年並行斯則通人之大章不世之曠典又論本朝史局敘第循格無以昭博雅之盛為函毫之需必有世官而後有世史宜特設一科授以世業毋濫俘庸鈍致追修逾遠叢遺忘之

恨小說鄙俚不經家傳貿眩名實沿至他日為汗青之污不淺刪述之難正在於此語皆有裨史事貢入太學嘉靖丁酉舉於鄉辛丑計偕卒於京年四十有一言感父與叔同爨亦撫弟有恩卒之日同邑王文祿私謚曰文邃先生

兩浙名賢錄有傳

子所學

所學字行父號海陽嘉靖壬子舉人丙辰進士授中書舍人選工科給事中丁內憂服闋改吏科尋進戶科右上言邊鎮軍實宜簡閱浙直閩廣用兵日久宜免加派錢糧壬戌大計吏部考察浮躁老疾者多

失實疏糾之甲子監順天鄉試被劾出知河間府未

滿歲罷築室數椽有花竹泉石之勝顏曰一笑遂自

號一笑生

兩浙名賢錄附言傳

五子皆有文名昌慈昌明俱中

天啟辛酉應天副榜昌明授忻州同知梁字則梁好

讀書索異解以諸生入太學為詩文辭必己出寧

晦不庸有樊紹述之癖

靜志居詩話則梁與董思白交不效其書與鄒臣虎交不

效其

集祖父著述為潁水遺編一卷自著易說五卷

經義考陳梁易說五卷存徐盛全曰則梁留心稽古

其易說數種闡其祖東涯所未發晚遊迹於僧禪為

蘭室覆之以屋比於亡國之社自題其柱曰此佛个

亭集百卷昌明子許廷字靈茂太學薦授兵部司務
嘗辨杜遵道亳州檄文明明祖不奉小明王本雅失
理為馬哈木所弑非阿台著蘇菴集左傳典畧卷十二
經義漢書雋洪永紀事本末八代蕭機

陸志孝字仁卿號浚川平湖人嘉靖戊午舉人隆慶
戊辰進士授廬州府推官入為刑部主事改南吏部
歷郎中丁憂被糾降霸州同知新修府志載浚川由
吏部郎擢少卿分撰
一統志疏救沈司馬繼山忤江陵謫黃州府照磨改
判霸州前此郡縣二志及隆慶戊辰履歷俱無是說
量移黃州通判復為刑部主事歷員外郎郎中出知

九江府丁憂補衡州再補高州調延平歸周亮工閩小記陳幼孺孝廉之延平謁陸太守志孝其伯父憲副同年也拒不見適有楚孝廉李某挾憲臺書來謁陸倉皇張宴禮甚恭幼孺上詩云莫作青衫老腐儒黃堂那許拜階除報來名刺留中久死後年情到底疎失路鮑生歸去夜同袍嘉客宴回初始知天府聯名籍不及霜臺薦士書陸大慙時楊叔向為大叅駐節延津聞其詩厚款之結為莫逆交

陸觀德字紹泉秀水人嘉靖甲子舉人乞恩寧波府訓導萬曆壬午充順天同考拔同邑內閣朱國祚明年登上第觀德歷尤溪知縣化州知州終饒州知府曾孫鎰崇禎壬午舉人癸未進士

鍾庚陽字長卿號西星秀水人父天才諸生著尚書傳心錄庚陽嘉靖辛丑舉人隆慶戊辰進士授太平府推官定當塗縣踐更法條上安慶府便宜事遷大理左評事轉都水主事歷員外郎郎中權荊州關稅出知鎮江府徙建郵舍於城西隙地往來稱便以丹陽富民被盜事降知廣德州陞刑部員外轉郎中卒於官天才之為傳心錄未盛行庚陽登第吳縣申時行為同考官因取以質時行會時行在講筵校梓進呈名曰尚書會編仍附天才名於簡首庚陽守鎮江

復梓行焉經義考鍾氏庚陽尚書傳心錄七卷存張
鎮江王方麓序其書謂其父子相師承又以其得
之心者會通其聲牙難解之辭而出以明易使人如
見庚陽父名天才老於經學子明鶴先祿署丞孫欽
口授庚陽而述為書者也
立字宣遠少有才名南臺建以恩貢入太學國初
杜門不出年七十六無疾而卒續野獲編鍾欽立字
諸生拔貢入國學國初高尚不出年未強任也學
問淵博品詣粹潔甘貧守志絕口不談世事以詩文
自娛丰神蕭散望之若神仙中人靜默寡言笑持身
處世終身如一日後生請益質疑者剖析精當無煩
言而大義了然年八十餘無疾而卒數日前歷詣親
舊素相善者談笑竟日若前知為永別者子淵映字
廣漢穎異過人工詩文下筆立成文采迅發年三十
餘歿於京師無子以弟子機為後機字石臣為諸生

工制舉文負盛名年亦不永無子余長姊適廣漢苦
志撫嗣子如己出亦不滿五十而卒所著有歷代建
元考旁及僭偽外欽立子淵映序證一卷又引左氏
裔詩文集若干卷
外傳暨周秦子書以證其非誣惜其稿不可得矣
曹銑字子良號景坡嘉善人以松江籍中嘉靖戊午
應天舉人隆慶戊辰進士任行人歷兵部主事員外
郎郎中出知漳州府子蕃字价人號芝亭萬曆丁酉
順天鄉試第四名官荊州府通判銑從子津字元會
鄉貢隆慶中青陽訓導遷邵陽教諭終南安府教授
著周禮集傳子穗字泰宇研精河洛著易旨太極通

書解性理雜說尚書解詩本義諸書魏大中受業焉
穗子勲字允大號峨雪天啟辛酉舉人崇禎戊辰會
試第一制義名一時仕 本朝子爾堪孫鑑倫皆以
進士選庶常歷清要

陳奇謀字海樓秀水人隆慶庚午舉人萬厯甲戌進
士歷知新淦長樂兩縣行取南陝西道御史巡視京
營出知韶州府丁憂以兩親俱故不赴補

徐調元字相之號合虛平湖人萬厯甲午舉人乙未
進士知南陵縣改紹興府教授入為國子博士厯刑

部郎中出知廣信府道卒

王維新初名蘭芳字萬間號季常嘉興人萬厯癸卯
順天舉人乞恩魏縣教諭戊午充陝西鄉試同考遷
知先化縣邑介襄鄖間山賊出沒練鄉勇捕之獲賊
魁即錄為捕盜卒盜以衰息溫水河泛溢為患令民
疏導之俾入漢重建文廟遷南良醞署正厯南營繕
主事崇禎改元進都水郎中出知延平府生平篤故
交多為臨邛之游以是坐蜚語去官卒於閩
馬廷獻字靖甫號蓋菴平湖人恩養於郡城王氏故

榜姓王萬歷己酉舉人庚戌進士復姓任刑部雲南
司主事歷員外郎郎中出知建寧府郡環山溪汎卒
散處城外廷獻度地規制創立營房有警呼吸可通
囹圄深濕諸囚蛙伏斃者居半乃高其基囚賴以生
三載卒於官年止四十庚戌科尚有鍾世芳字元暢
秀水人祖銳嘉靖中廣昌縣
丞父一清字養虛鄉貢萬歷中石埭知縣世芳游馮
具區夢禎之門萬歷庚子舉人庚戌進士有文名初
知福清縣補歐寧戊午充本省同考再補無錫由主
客司主事至知府其墓在郡北門外萬壽巷之東惜
其子孫不振無由
考其歷官行事

沈振龍字翼乾嘉興人萬歷癸卯舉人癸丑進士授

泉州府推官左遷順天府教授歷國子博士南車駕
主事天啟改元轉本司員外郎郎中出知淮安府拾
遺補知廣德州仍遷南車駕員外歷郎中再知贛州
府崇禎辛未中計謫蘇州衛經歷振龍居官不忍峻
絕親故因挂物議歸里後仍好其德里中懷之子耀
辰字君房天啟丁卯副榜授三水知縣拒冠全城尋
知廣州府鼎革後次子皞日冒兵刃至粵迎歸卒皞
日子廷文康熙戊午舉人戊辰一甲第一官修契

馮登瀛字玉清號上仙秀水人萬歷丙午舉人癸丑

進士知溧陽縣改東昌府教授陞國子助教歷刑部
福建司主事陝西司員外郎郎中終肇慶知府

陸懋功字紀常平湖人萬曆乙卯舉人乞恩新昌教
諭歷南工部主事管器皿廠疏叅奸商章臣史永壽
等杖戍如律出知保寧府地邇漢中時獻賊已熾州
縣多被陷懋功至繕治城守增設梁山關敵臺以杖
殺悍卒為撫臣論罷

王佐字樛岷嘉善人崇禎庚午舉人辛未進士知休
寧縣丙子充應天同考拾遺補惠來縣入為刑部江

西司主事雲南司員外致仕再起本部廣西司員外
遷江西司郎中出知保定府調高州卒於官
休寧志
稱遷高

雷道